



STOMATOLOŠKA
KOMORA FBiH

THE DENTAL CHAMBER OF FEDERATION BOSNIA AND HERZEGOVINA

Na osnovu člana 222. Zakona o zdravstvenoj zaštiti („Službene novine Federacije BiH“, broj 46/10), a u vezi sa članom 30. stav 1. alineja dvanaest Statuta Stomatološke komore Federacije Bosne i Hercegovine, Skupština Stomatološke komore Federacije Bosne i Hercegovine, na svojoj redovnoj 9. sjednici održanoj dana 21.02.2020. godine, d o n o s i

P R A V I L N I K

o načinu oglašavanja i načinu isticanja naziva privatne prakse

I OPĆE ODREDBE

Član 1.

Ovim pravilnikom utvrđuju se uvjeti načina oglašavanja, kao i načina isticanja naziv privatne prakse za stomatološke radnike: doktore stomatologije i zubne tehničare koji obavljaju privatnu praksu saglasno odredbama Zakona o zdravstvenoj zaštiti („Službene novine Federacije BiH“, broj 46/10), kao i odredbama Zakona o stomatološkoj djelatnosti („Službene novine Federacije BiH“, broj 37/12).

II NAČIN OGLAŠAVANJA

Član 2.

Doktori stomatologije i zubni tehničar koji obavlja privatnu praksu, na objektu u kojem se nalazi prostor za obavljanje privatne prakse, moraju istaći naziv privatne prakse koji sadrži slijedeće: ime i prezime doktora stomatologije odnosno zubnog tehničara; stručno zvanje, za doktore stomatologije specijalnost, odnosno naučni i nastavni stepen ako ih ima; djelatnost i radno vrijeme. Naziv privatne prakse ne smije po izgledu, veličini i obliku imati reklamna obilježja.

Član 3.

Zabranjuje se reklamiranje privatne prakse, i to privatne stomatološke ordinacije i privatnog zubotehničkog laboratorija, bilo izravno, bilo putem reklame kroz druge firme i osobe (zahvalnice, poslovne veza i sl.), putem printanih i elektronskih medija.

Zabranjuje se doktorima stomatologije i zubnim tehničarima koji obavljaju privatnu praksu da u poslovnim, privrednim, telefonskim imenicima i drugim sličnim publikacijama, na stručnim skupovima daju podatke o privatnoj stomatološkoj ordinaciji, odnosno privatnom zubotehničkom laboratoriju i uslugama koje se pružaju u ordinacijama i laboratorijama, a koje očito služe u reklamne svrhe, izuzev podataka navedenih u članu 2. ovog pravilnika.

Zabrana iz stava 1. ovog člana obavezno uključuje i zabranu reklamiranja cijena stomatoloških usluga, popuste u cijenama pojedinačnih stomatoloških usluga ili pak popuste cijena po programima stomatoloških usluga koji čine jednu cjelinu.

Član 4.

Izuzetno, a s ciljem informisanja pacijenata, dozvoljava se doktorima stomatologije i zubnim tehničarima objavljivanje podataka iz člana 2. ovog pravilnika putem javnih medija i kod uvođenja novih tehnologija, i to najduže mjesec dana po otvaranju ili preseljenju ordinacije odnosno laboratorija, na način i po postupku utvrđenom odredbama ovog pravilnika.

Zabrana reklamiranja ne odnosi se na web stanice.

Doktor stomatologije i zubni tehničar može se oglašavati putem web stranice ili društvenih mreža, u cilju da pruža relevantne informacije pacijentima u cilju osiguranja slobodnog tržišta u Federaciji BiH, u skladu sa Etičkim i deontološkim kodeksom, bez navođenja cijena usluga i popusta.

Doktor stomatologije i zubni tehničar može učestvovati u emisiji radija ili televizije koja se odnosi na stomatološku djelatnost uz navođenje svog imena i prezimena, ali ne smije isticati naziv i adresu privatne odnosno grupne prakse, odnosno zdravstvene ustanove u kojima tu djelatnost obavlja.

Član 5.

Informisanje i oglašavanje predviđeno u članu 4. ovog pravilnika ne smije ni u prikrivenoj formi da se koristi u reklamne svrhe.

Član 6.

Reklamiranje oblasti rada koje prelazi okvire struke i izaziva neloyalnu konkurenciju, posebno cijena stomatoloških usluga i popusta cijena stomatoloških usluga ili reklamiranje oblasti rada koje dotiče oblast rada drugih specijalnosti nije dozvoljeno.

III POSTUPAK ODOBRENJA OGLAŠAVANJA

Član 7.

Doktor stomatologije i zubni tehničar koji ima namjeru oglasiti svoj rad saglasno članu 4. stav 1. i 2. ovog pravilnika, obavezan je Komori podnijeti dokumentiran zahtjev koji sadrži sljedeće:

- zahtjev za ocjenu usklađenosti oglasa sa Kodeksom stomatološke etike i deontologije,
- prijedlog teksta oglasa,
- konačni prijedlog dizajna odnosno izgleda oglasa,
- dokaz o izvršenoj uplati naknade čiju visinu odlukom određuje Upravni odbor Komore.

Komora dostavlja dokumentiran zahtjev Odboru za stomatološku etiku i deontologiju Stomatološke komore Federacije Bosne i Hercegovine (u daljnjem tekstu: Odbor), kao nadležnom tijelu Komore koje cijeni usklađenost oglasa sa Kodeksom stomatološke etike i deontologije i koje je nadležno da odobrava oglašavanje rada doktora stomatologije i zubnih tehničara. Odbor je dužan riješiti uredno dokumentiran zahtjev najkasnije u roku od 30 dana od dana prijema uredno dokumentiranog zahtjeva.

Član 8.

Po prijemu uredno dokumentiranog zahtjeva iz člana 7. ovog pravilnika, ukoliko Odbor ocijeni da je oglas u skladu sa Kodeksom stomatološke etike i deontologije, izdaje

odobrenje za oglašavanje podnosi telju zahtjeva koje važi godinu dana od dana njegovog izdavanja.

Broj odobrenja iz stava 1. ovog člana mora biti vidljivo istaknut u gornjem lijevom uglu odobrenja.

Unutar vremenskog perioda od godine dana, doktor stomatologije i zubni tehničar mogu se oglašavati neograničeni broj puta, ali samo u skladu sa izdatim odobrenjem.

Ukoliko Odbor ocijeni da oglas nije u skladu sa Kodeksom stomatološke etikom i deontologijom, donosi odluku o doradi oglasa i isti dostavlja podnosi telju zahtjeva koji je dužan doraditi oglas saglasno odluci Odbora i to u narednom roku od 15 dana računajući od dana prijema odluke o doradi oglasa.

U slučaju da Odbor ocijeni da ponovno dostavljeni dorađeni oglas podnosi telja zahtjeva nije odgovarajući, odnosno nije ponovno u skladu sa Kodeksom stomatološke etikom i deontologije, donosi se odluka o odbijanju zahtjeva kao neosnovanog.

Protiv odluke iz stava 5. ovog člana može se izjaviti žalba predsjedniku Komore u roku od 15 dana od dana prijema odluke, a saglasno članu 60. Statuta.

Ponovni postupak oglašavanja rada doktora stomatologije i zubnog tehničara, a nakon okončanog postupka iz stava 5. ovog člana, podrazumjeva podnošenje novog zahtjev sa novom dokumentacijom od strane doktora stomatologije i zubnog tehničara.

U slučaju iz stava 6. ovog člana ponovni zahtjev podliježe proceduri i rokovima utvrđenim u st. 1. do 6. ovog člana.

Komora je dužna voditi evidenciju o izdatim odorenjima za oglašavanje rada.

Član 9.

Ako tokom obavljanja stomatološke djelatnosti od strane doktora stomatologije i zubnog tehničara, nastanu promjene u vezi ispunjavanja uvjeta na osnovu kojih je izdato odobrenje o oglašavanju od strane Odbora iz člana 7. ovog pravilnika, doktor stomatologije i zubni tehničar kojima je odobreno oglašavanje u smislu ovog pravilnika, obavezni su o navedenim promjenama obavijestiti Komoru, i to u roku od 15 dana od dana nastupanja promjene.

U slučaju iz stava 1. ovog člana doktoru stomatologije i zubnom tehničaru može se suspendirati ranije izdato odobrenje o dozvoli oglašavanja.

Odluku o suspenziji iz stava 2. ovog člana donosi Odbor. Protiv odluke iz stava 3. ovog člana može se izjaviti žalba predsjedniku Komore u roku od 15 dana od dana prijema odluke, a saglasno članu 60. Statuta.

Član 10.

Komora je dužna voditi evidenciju o izdatim odorenjima za oglašavanje rada.“

Član 11.

U slučaju privremene obustave rada u privatnoj stomatološkoj ordinaciji odnosno privatnom zubotehničkom laboratoriju zbog bolesti, godišnjeg odmora ili drugog opravdanog razloga, priopćenje o privremenoj obustavi rada ordinacije odnosno laboratorija može se

objaviti u javnim medijima, i to prije ili poslije 3 nastupanja slučaja koji je izazvao privremenu obustavu rada ordinacije odnosno laboratorije.

Član 12.

Reklamiranje privatnih stomatoloških ordinacija odnosno privatnog zubotehničkog laboratorija suprotno odredbama ovog pravilnika povlači pokretanje disciplinskog postupka protiv člana Komore, kao i podnošenje zahtjeva kantonalnom ministru zdravstva za donošenje rješenja o prestanku obavljanja privatne prakse, a u smislu člana 176. stav 2. tač. 5. i 6. Zakona o zdravstvenoj zaštiti.

Član 13.

Komora će postupati povodom svake zaprimljene pismene prijave protiv doktora stomatologije i zubnog tehničara, odnosno na temelju dostavljenog dokaza o oglašavanju doktora stomatologije i zubnog tehničara suprotno odredbama ovog pravilnika ili bez odobrenja sa brojem.

Ukoliko u postupku stručnog nadzora, vještačenja i sl. ovlaštena osoba Komore dođe do saznanja o nedopuštenom načinu oglašavanja doktora stomatologije i zubnog tehničara, postupit će se kao da je podnesena prijava iz stava 1. ovog člana.

Ukoliko se utvrdi da se doktor stomatologije i zubni tehničar prvi puta oglašava suprotno odredbama ovog pravilnika, dostavit će mu se opomena i izvršiti odgovarajuća službena zabilješka u njegovom registru doktora stomatologije i zubnih tehničara.

Ukoliko se utvrdi da se doktor stomatologije i zubni tehničar oglašava suprotno odredbama ovog pravilnika i nakon dostavljene opomene, pokrenut će se disciplinski postupak pred nedležnim organima Komore.

IV PRELAZNE I ZAVRŠNE ODREDBE

Član 14.

Nadzor nad provođenjem ovog pravilnika vodi Odbor za staleška pitanja i privatnu praksu Komore, kao i Odbor za stomatološku etiku i deontologiju, a svaki u okviru svojih nadležnosti.

Član 15.

Odredbe ovog pravilnika o reklamiranju i oglašavanju stručnog rada primjenjuju se i na doktore stomatologije i zubne tehničare uposlene u zdravstvenim ustanovama koje obavljaju stomatološku djelatnost, a saglasno članu 180. stav 4. Zakona o zdravstvenoj zaštiti („Služben enovine Federacije BiH“, br. 46710 i 75/13).

Član 16.

Ukoliko Komora zaprimi prijavu o reklamiranju i oglašavanju stručnog rada, koje je suprotno odredbama ovog pravilnika, protiv doktora stomatologije odnosno zubnog tehničara uposlenih u zdravstvenim ustanovama koje obavljaju stomatološku djelatnost, odnosno pribavi dokaze o reklamiranju i oglašavanju doktora stomatologije odnosno zubnog tehničara uposlenih u zdravstvenim ustanovama koje obavljaju stomatološku djelatnost suprotno odredbama ovog pravilnika ili isto sazna u postupku stručnog nadzora, vještačenja i sl. dužna je bez odlaganja, i to u roku od tri dana od dana zaprimljene prijave, pribavljenog

dokaza ili saznanja, obavijestiti direktora zdravstvene ustanove u kojoj su zaposleni doktor stomatologije odnosno zubni tehničar.

Član 17.

Postupci započeti prije stupanja na snagu ovog pravilnika, okončat će se prema odredbama pravilnika koji je bio na snazi prije stupanja na snagu ovog pravilnika.

Član 18.

Doktori stomatologije i zubni tehničari koji obavljaju privatnu praksu u skladu sa odobrenjima izdatim temeljem Zakona o zdravstvenoj zaštiti i pravilnika donijetih temeljem tog zakona, kao i Zakona o stomatološkoj djelatnosti dužni su u uskladiti način isticanja naziva privatne prakse sa odredbama ovog pravilnika u roku od tri mjeseca od dana njegovog stupanja na snagu. Izuzetno, doktori stomatologije i zubni tehničari iz člana 3. stava 3, način oglašavanja u smislu odredbi ovog pravilnika, dužni su uskladiti u roku od sedam dana od dana stupanja na snagu ovog pravilnika.

Član 19.

Ovaj pravilnik stupa na snagu danom donošenja. Pravilnik iz stava 1. ovog člana objavit će se i na WEB stranici i oglasnoj ploči Komore.

Član 20.

Upravni odbor Komore dužan je prezentirati ovaj pravilnik na prvom narednom zasjedanju Skupštine Stomatološke komore Federacije Bosne i Hercegovine, radi potvrđivanja a saglasno članu 30. stav 3. Statuta.

Član 21.

Ovim pravilnikom prestaje primjena Pravilnika o načinu oglašavanja privatne prakse broj 01-1-7-323/13 od 11.10.2013. i Pravilnika o izmjenama i dopunama Pravilnika o načinu oglašavanja i načinu isticanja naziva private prakse broj 01-2-17-68/14 od 21.02.2014. godine.

Član 22.

Ovaj pravilnik stupa na snagu danom donošenja. Pravilnik iz stava 1. ovog člana objavit će se i na WEB stranici i oglasnoj ploči Komore.

Broj: 01-2-52-58/20
Sarajevo, 21.02.2020.godine

**PREDSJEDNIK
UPRAVNOG ODBORA**

Prim.doc.dr.sci Mirjana Duspara

*** Ovaj pravilnik je potvrđen od strane Skupštine Stomatološke komore FBiH na 3. Redovonoj sjednici Skupštine održanoj 21.05.2021. godine**